

A.H.A.T.A. ta aclarea cu nunca nan a cobra belasting

ORANJESTAD(AAN) -- A.H.A.T.A. kier aclarea cu nunca hotelnan a cobra belasting. A.H.A.T.A. a dicidi di duna un aclaracion riba insinuacionnan cu a worde haci cu a duna un mal impresion.

Segun A.H.A.T.A. desde cu "Room Tax" (Logeergastebelasting) a worde introduci na Aruba, e cobranza na cada huesped ora di "check-out" tabata consisti di:

1. Prijs di camber;
2. 5 % di "Room Tax";
3. 10 % "Service Charge".

E situacion aki, esta 15 % total a keda existi te na 1987, tempo cu A.H.A.T.A. a introduci un cobranza di 1 % riba entrada di camber pa su miembronan como parti di nan contribucion na e asociacion.

Pa e huesped e situacion na 1987 a bira cu e ta para:

1. Prijs di camber;
2. 5 % "Room Tax";
3. 10 % "Service Charge";
4. 1 % A.H.A.T.A. "fee".

Na e momento ey y te October 1998 e huespednan tabata paga 16.5 % riba prijs di camber.

Segun A.H.A.T.A., e 0.5 % a worde aña di pasobra e departamento di impuesto a dicidi di cobra e 5 % "Room Tax" riba e A.H.A.T.A. "fee" tambe, fuera di e prijs di camber y "Service Charge".

Desde October 1998 y no Mei 1997 manera a insinua, A.H.A.T.A. a introduci, cu aprobacion di tur hotel miembro, un aumento di 1 % riba e contribucion di miembronan activo (hotelnan). Pa e huesped esaki a nifica cu nan mester a paga:

1. Prijs di camber;
2. 5 % "Room Tax";
3. 10 % "Service Charge";
4. 2 % A.H.A.T.A. "fee".

Un total di 17.66 %. A aña e 0.66 % pa motibo cu Departamento di Impuesto ta cobra e 5 % "Room Tax" riba e A.H.A.T.A. "fee".

A.H.A.T.A. ta di opinion cu aki por mira cu nunca A.H.A.T.A. ta pretende cu e "Room Tax" a subi sino a informa e "wholesalers" cu e A.H.A.T.A. "fee" a subi cu 1

% A.H.T.A. como organizacion serio, ta masha bon na altura cu ta gobierno ta e unico instancia cu por cobra impuesto y ningun otro.

Directiva di A.H.A.T.A. ta splica cu semper a usa e A.H.A.T.A. fee pa promocion di Aruba como destinacion turistico. E promocionnan cu ta worde haci cu e fondo aki ta generico. Cu otro palabra nan ta e isla completo ta ser promovi y no A.H.A.T.A. y ningun hotel individual.

Esaki segun directiva di A.H.A.T.A. ta un regla cu ta existi pa varios aña caba pa e programa di promocion cooperativo y tur partner (lineanan aerea, wholesalers y A.T.A.) ta mantene nan mes estrictamente na esaki.

E hecho cu gobierno a dicidi cu lo aumenta e "Room Tax" cu 1 %, esaki lo no tin ningun efecto riba e huesped pasobra loke nan lo bay paga awor ta:

1. Prijs di camber;
2. 6 % di Room Tax;
3. 10 % di "Service Charge";
4. 1 % A.H.A.T.A. "fee".

E entendimento cu e miem-

bronan tabata cu A.H.A.T.A. lo anula e aumento di 1 % di e A.H.A.T.A. "fee" na momento cu gobierno dicidi di aumenta e "Room Tax". Esaki a pasa awor y bahando e A.H.A.T.A. "fee" cu 1 % e huespednan lo keda paga e

mesun 17.66 % + cu nan ta pagando desde October 1998. E consecuencia cu e aumento di "Room Tax" aki tin ta cu A.H.A.T.A. su presupuesto pa promocion cooperativa lo baha cu 50 % y gobierno su entrada lo subi.

Awor A.H.A.T.A. lo mester dicidi con lo bay contra aresta e reduccion di entrada aki.

Directiva di A.H.A.T.A. ta spera sinceramente cu tur esnan cu tabata interesa pa sa mas di e materia a haya un debido aclareacion.

Glenbert Croes na esnan cu a bisa ta "wega"...

LAMENTABLEMENTE TUR LO MESTER GULI NAN PALABRA PASOBRA RACETRACK TA BAY CURAÇAO

ORANJESTAD (AAN): Lider di OLA, Sr. Glenbert Croes a haya e informe for di su fuentenan mas yega, cu e inversionistanan di e proyecto di RaceTrack a dicidi di scohe pa Curaçao.


Cu otro palabra esaki kiermen cu Aruba a perde e proyecto aki na Curaçao y esaki Sr. Glenbert Croes ta lamenta enormemente. Lider di OLA den henter e proceso aki a sa di mantene contacto estrecho cu e inversionis-

tanan principal cu ta Sr. Sanchez y Sr. Mansur. Glenbert Croes kende for di un principio a kere den e proyecto aki a haci tur intento pa por yega na un intermediacion decisivo entre Gobierno y e Inversionistanan, pa nan por a bin establece nan mes na Aruba toch.

Lamentablemente e intencionan sincero aki di Glenbert Croes no a duna su fruta, y e inversionistanan kendenan no tabatin tempo na nan

banda tampoco, a opta pa bay cu e proyecto di RaceTrack pa Curaçao pa motibo cu e prome careda oficial ta bay tuma lugar November di e aña aki. Y na Aruba ya nan a worde confronta cu hopi tardanza. Y ta p'e motibo aki cu Glenbert Croes awe ta bisa na tur esnan cu a acusa cu henter e asunto di baymento Curaçao tabata wega, cu nan tur awe mester guli tur nan palabranan insolente, insultante y baho bek.

ARUBA, E PAIS MAS RICO NA MUNDO!



TELEFONNAN
DI DIARIO
826747
FAX
828551